

*Agiunta tar l'ordinaziun davart la NGF grischuna*

## **Ordinaziun davart la dotaziun da la gulivaziun da finanzas**

dals ...

---

Il cussegl grond dal chantun Grischun,

sa basond sin l'art. 32 al. 1 da la constituziun chantunala sco er sin l'art. 10 al. 1 da la lescha davart la gulivaziun da finanzas, suenter avair gi invista da la missiva da la regenza dals 20 da schaner 2009,

concluda:

### **Art. 1**

Per finanzia la gulivaziun da las resursas pajan las vischnancas cun bleras resursas ina contribuziun annuala da 20 pertschient da quella part da lur atgnas resursas decisivas, la quala surpasa la media da tut las vischnancas per abitanta u per abitant. Per quellas resursas che surpasan per il traidubel la media (valur d'index da passa 300 puncts), importa la tariffa da prelevaziun 40 pertschient.

Gulivaziun da las resursas  
1. prelevaziun

### **Art. 2**

<sup>1</sup> La contribuziun da gulivaziun a las vischnancas cun paucas resursas sto vegnir calculada uschia che tut las vischnancas cuntanschan per abitanta u per abitant ina dotaziun dad almain 80 pertschient da la media da tut las vischnancas.

2. dotaziun  
finanziala

<sup>2</sup> Per quellas vischnancas cun atgnas resursas decisivas per abitanta u per abitant da sut 60 pertschient da la media chantunala (valur d'index sut 60 puncts) vegn il deficit cumpensà fin ad 80 pertschient da la media (valur d'index dad 80 puncts).

<sup>3</sup> Per quellas vischnancas cun atgnas resursas decisivas per abitanta u per abitant da sur 60 pertschient da la media chantunala (valur d'index sur 60 puncts) s'augmenta la contribuziun per abitanta u per abitant en moda progressiva, pli gronda che la differenza tranter lur atgnas resursas e la media chantunala daventa. La successiun da questas vischnancas na dastga betg vegnir midada tras quai.

**Art. 3**

Gulivaziun da las grevezzas geografic-topograficas

Il volumen total per la gulivaziun da las grevezzas geografic-topograficas importa 20 milliuns francs.

**Art. 4**

Pajaments parzials

<sup>1</sup> Las contribuziuns per la gulivaziun da las resursas e per la gulivaziun da las grevezzas geografic-topograficas vegnan pajadas a las vischnancas en dus pajaments parzials da medema grondezza mintgamai il zercladur ed il december. Las vischnancas cun bleras resursas ston er pajar lur contribuziun a la gulivaziun da las resursas en dus pajaments da medema grondezza mintgamai il zercladur ed il december.

**Art. 5**

Disposiziuns finalas  
1. aboliziun da decrets

Cun l'entrada en vigur da questa ordinaziun vegn abolida l'ordinaziun executiva tar la lescha davart la gulivaziun da finanzas intercommunala (OECGtLGF) dals 3 da mars 1993 (DG 730.210).

**Art. 6**

2. entrada en vigur

La regenza fixescha il termin che questa ordinaziun entra en vigur.